

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA LUKAVAC
OPĆINSKI NAČELNIK
SLUŽBA ZA INVESTICIJE, KOMUNALNO-STAMBENE
I POSLOVE MJESNIH ZAJEDNICA

Broj: 03-05-1759/19
Lukavac, 01.04.2019. godine

Na osnovu člana 69. stav (2). tačka e), člana 25., člana 70. stavovi (1), (4) i (6) Zakona o javnim nabavkama („Sl. glasnik BiH“, broj: 39/14) i preporuke Komisije za provođenje postupka javne nabavke broj: 03-05-1759/19 od 28.03.2019.godine u otvorenom postupku javne nabavke radova utopljavanja OŠ Dobošnica, u skladu sa tačkom 1. Rješenja o ovlaštenju broj: 02-05-1056/19 od 29.01.2019. godine, Pomoćnik općinskog načelnika, d o n o s i

O D L U K U **o poništenju postupka javne nabavke**

Član 1.

Poništava se postupak javne nabavke radova utopljavanja OŠ Dobošnica, iz razloga što je cijena prihvatljive ponude znatno veća od osiguranih sredstava za predmetnu nabavku.

Član 2.

Odluka će biti objavljena na web-stranici ugovornog organa (www.lukavac.ba), u skladu sa članom 70. stav 6. Zakona o javnim nabavkama.

Član 3.

Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e:

Postupak javne nabavke pokrenut je Odlukom o pokretanju postupka javne nabavke broj: 03-02-1-1758/19 od 20.02.2019.godine. Javna nabavka sprovedena je otvorenim postupkom nabavke. Procjenjena vrijednost javne nabavke bez PDV-a je 4.300,00 KM. Obavještenje o nabavci broj: 719-1-3-7-3-27/19 objavljeno je na Portalu javnih nabavki dana 20.02.2019.godine.

Komisija za provođenje postupka nabavke imenovana Rješenjem broj: 02-05-1914/19 od 25.02.2019.godine dostavila je ugovornom organu, Pomoćniku općinskog načelnika Zapisnik o pregledu i ocjeni ponuda broj: 03-05-1759/19 od 27.03.2019.godine, Preporuku o izboru najpovoljnijeg ponuđača broj: 03-05-1759/19 od 28.03.2019.godine i Izvještaj o radu broj: 02-05-1759/19 od 28.03.2019.godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene dvije ponude;
- da su blagovremeno primljene dvije ponude;
- da nije bilo neblagovremeno primljenih ponuda;
- da je ponuda ponuđača „Mega Roll“ d.o.o. Gračanica odbijena, iz razloga što nisu dostavili u određenom roku objašnjenje neprirodno niske cijene.
- da je ponuda ponuđača „Dženex“ d.o.o. Tuzla kvalifikovana i prihvatljiva, naime dostavljeni su svi traženi dokazi propisani tenderskom dokumentacijom, na propisan način.

Naime, ponuđač „Dženex“ d.o.o. Tuzla je ponudio cijenu u iznosu od 7.837,19 KM bez PDV-a. Procijenjena vrijednost ponude iznosi 4.300,00 KM bez PDV-a što znači da cijena ponuđača znatno premašuje procijenjenu vrijednost nabavke, odnosno cijena ponuđača je znatno veća od osiguranih sredstava za predmetnu nabavku i time su se stekli zakonski uslovi za poništenje postupka javne nabavke.

Komisija se obratila Pomoćniku načelnika Službe za investicije, komunalno-stambene i poslove mjesnih zajednica, Zahtjevom za saglasnost za preraspodjelu sredstava broj:03-05-1759/19 od 21.03.2019. godine kako bi se obezbijedila dodatna sredstva u iznosu od 3.537,19 KM bez PDV-a, koliko je neophodno da se predmetni postupak okonča dodjelom ugovora. Međutim nadležna Služba je uvidom u Budžet općine Lukavac za 2019. godinu utvrdila da nisu u mogućnosti obezbijediti iznos neophodan za dodjelu ugovora.

Iz navedenog razloga, primjenom člana 69. stav (2) tačka e) Zakona o javnim nabavkama, člana 25., člana 70. stavovi (1), (4) i (6) Zakona o javnim nabavkama („Sl. glasnik BiH“, broj: 39/14), riješeno je kao u članu 1. dispozitiva Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se podnosi putem ugovornog organa, u pisanoj formi direktno ili preporučeno poštanskom pošiljkom na adresu: Općina Lukavac, Trg Slobode 1, 75300 Lukavac, a izjavljuje se Uredu za razmatranje žalbi, Filijala Mostar. Žalba se podnosi u najmanje 3 (tri) primjerka.

PO OVLAŠTENJU OPĆINSKOG NAČELNIKA
POMOĆNIK OPĆINSKOG NAČELNIKA
Mirela Bubić, dipl.pravnik



Dostaviti:

1. „Mega Roll“ d.o.o. Gračanica
2. „Dženex“ d.o.o. Tuzla
3. Evidenciji i
4. Arhivi.-